



**ЎЗБЕКИСТОН РЕСПУБЛИКАСИ
БОШ ДАВЛАТ ВЕТЕРИНАРИЯ ИНСПЕКТОРИНИНГ
ҚАРОРИ**

**Ўзбекистон Республикаси ҳудудига Қозогистон Республикасидан
ҳайвонлар суб маҳсулотларини олиб кириш ва транзит ўтказишга
вақтинча чеклов ўрнатиш тўғрисида.**

Тадбиркорлик субъектлари томонидан Қозогистон Республикасидан республикамиз ҳудудига ҳайвонлар суб маҳсулотлари Ўзбекистон Республикаси Вазирлар Махкамасининг 2018 йил 22 январдаги 36-сон, Вазирлар Махкамасининг 2019 йил 8 майдаги 386-сон қарорлари ҳамда Ўзбекистон Республикаси давлат ветеринария хизмати назорати остидаги товарлар импорт қилишда қўйиладиган ветеринария (ветеринария-санитария) талабларига амал қилмаган ҳолда ҳеч қандай тамғаларсиз ва ёрликларсиз (маркировкасиз) импорт қилиш ҳолатлари аниқланди.

Ўзбекистон Республикаси “Ветеринария тўғрисида” Конунининг 24-моддаси ҳамда Вазирлар Маҳкамасининг “Давлат ветеринария хизмати тизимида рухсат этиш хусусиятига эга ҳужжатларни бериш тартиб-таомилларидан ўтиш тартиби тўғрисидаги низомларни тасдиқлаш ҳақида” 2017 йил 15 марта 139-сон қарори талабларига мувофиқ мамлакатимиз ҳудудини четдан ҳайвонлар юқумли касалликлари кириб келишидан муҳофаза қилиш, озиқ-овқат маҳсулотлари хавфсизлигини таъминлаш мақсадида Ўзбекистон Республикаси Бош давлат ветеринария инспектори қарор қиласди:

1. Мамлакатимиз ҳудудини четдан ҳайвонлар юқумли касалликлари кириб келишидан муҳофаза қилиш, озиқ-овқат маҳсулотлари хавфсизлигини таъминлаш мақсадида Қозогистон Республикасидан республикамиз ҳудудига ҳайвонлар суб маҳсулотларини (калла, оёклар, ички органлар ва бошқалар) олиб кириш ва транзит ўтказишга вақтинча чеклов ўрнатилсин.

2. Қозогистон Республикасидан ҳайвонлар суб маҳсулотларини (калла, оёклар, ички органлар ва бошқалар) импорт қилиш ва транзит ўтказишга нисбатан рухсатнома ва ветеринария гувоҳномалари расмийлаштирилиши тўхтатилсин;

Қарор эълон қилингунга қадар экспортёр давлат томонидан белгиланган тартибда ветеринария ҳужжатлари расмийлаштирилиб ортилган (йўлга чиққан) товарлар бундан мустасно.

3. Давлат чегараси ва транспортдаги бош давлат ветеринария инспектори (Б.Рузибаев):

Қозогистон Республикасидан республикамиз худудига гўшт ва гўшт маҳсулотлари Ўзбекистон Республикаси давлат ветеринария хизмати назорати остидаги товарларни импорт қилишда қўйиладиган ветеринария (ветеринария-санитария) талабларига амал қилган ҳолда импорт қилиниши устидан қатъий назорат ўрнатилсин.

4. Қорақалпогистон Республикаси, вилоятлар ва Тошкент шаҳар бош давлат ветеринария инспекторлари, Давлат чегараси ва транспортдаги бош давлат ветеринария инспектори жисмоний ва юридик шахсларга юқорида кўрсатилган давлат ветеринария хизмати назорати остидаги товарларни Қозогистон Республикасидан республика худудига импорт қилиш ва транзит ўтказишга нисбатан рухсатнома ва ветеринария гувоҳномалари расмийлаштирилиши тўхтатилганлиги тўғрисида кенг қамровли тушунтириш ишларини олиб борсин.

5. Кўмитанинг Ахборот хизмати бўлими (А.Суюнов):

Ушбу қарор ветеринария ва чорвачиликни ривожлантириш давлат органлари ва муассасалар, тегишли вазирлик ва идоралар, корхона ҳамда ташкилотлар, шунингдек, мулкчилик шаклидан қатъий назар барча турдаги юридик ва жисмоний шахсларга етказилсин ҳамда оммавий ахборот воситаларида ёритилиши таъминласин.

6. Ушбу қарор расмий эълон қилинган кундан эътиборан кучга киради.

7. Ушбу қарорнинг ижросини назорат қилиш Ўзбекистон Республикаси Бош давлат ветеринария инспекторининг ўринбосари А.Акбаров зиммасига юклансин.

Ўзбекистон Республикаси
Бош давлат ветеринария инспектори

Б.Норқобилов

Тошкент ш.,
2020 йил “10” 09
11- сон

